



**Clavis Aurea Thesauri Partheno-Carmelitici, Sive
Dissertatio Historico-Theologica, Referans atque
Exponens Antiquitatem & originem, confirmationem ac
propagationem, beneficia ac privilegia, gratias & ...**

Paulus <Ab Omnibus Sanctis>

Viennæ Austriæ, 1669

IV. Proponitur & exponitur formula concendi plenariam indulgentiam
Confratribus Carmelo-parthenijs in mortis articulo, ab electo ab eis
Confessario.

[urn:nbn:de:hbz:466:1-64293](#)

Auctores afferunt de electione Confessoris facta virtute dicta Bulla, nos affirmare possumus de electione Confessarij Confratrum nostrorum, facta virtute indulti CLEMENTIS VII. Præsumendum quippe est, ex grum velle omnia quæ valent sibi adhiberi remedia, ad vitam benè beateque finiendam; secus dicendum de eadem indulgentia liberali in vita concedenda, cum enim liberum sit Confratri eam dñe re, quantum volverit, non debet Confessarius illa elargiri, nisi rotus à pœnitente, tacite aut expressè.

C A P U T I V.

Proponitur & exponitur formula concedendi plenariam indulgentiam Confratribus Carmelo-partibens, in mortis articulo, ab electo ab eis Confessario.

305.

Qua verborum forma hæc indulgentia impertienda sit.

*Loc. citato
Cap. 9.*

AB S Q V E dubio Confessor à Confratribus electus, impertiendo illis indulgentiā in mortis articulo, vi indulti CLEMENTIS VII. aliquam verborum formulam observare debet: & quia nullam præscribit Pontifex, neceperitur præscripta in sacris Canonibus, nec Apostolicis Constitutionibus, sat erit, si conferatur per talia verba, quæ remissionem & indulgentiam plenariam significant; nihilominus Confessor nostrorum Confratrum hanc, quam nunc hic ex Reverendissimo Theodoro Stratio, aut quam infra parte VIII. Capite X. trademus, formulā servare poterit.

Postquam pœnitens, si prius is præmiserit Sacramentalem Confessionem, fuerit absolutus à censuris, & à peccatis, vel si nulla præcesserit Confessio, nec datum fuerit ab eo ullum signum in ordine ad Confessionem, Sacerdos electus, modo judicet illum esse in gratia per hæc verba impertietur illi indulgentiā: *Authoritate Domini nostri JESV Christi, & beatorum Apostolorum Petri & Pauli, tibi redulta, & mibi commissa, concedo tibi omnem illam indulgentiam peccatorum tuorum, quam possum concedere virtute precium Apostolicorum, si tamen bac vice moriaris; alias pro aliave eam tibi reservo: in nomine Patris, & Filii, & Spiritus Sancti. Amen.*

Q[uo]d

Quoniam autem per indulgentiam absolvitur quis à pœnis, suis peccatis debitibus, illa potest concedi per verba absolutionem significantia: quare Confessarius potest Confratribus nostris in mortis articulo illam etiam impetriri sub hac forma: *Absolvo te ab omnibus pœnis tuis*, vel *Remitto tibi omnes tuas pœnas*, & licet solum diceret, *Absolvo te à pœnis tuis*, indefinitè, hujusmodi absolutio indefinita pœnarum universali æquipolleret.

Et dicere, *Absolvo te à pœnis tuis*, idem esset ac dicere: *Absolvo te ab omnibus pœnis tuis*: imo etiamsi Confessarius diceret solum, *Absolvo te*, & non adderet à pœnis, si tamen haberet intentionem absolvendi infirmum à pœnis, illi indulgentiam impetraretur; quo patet Doctores loquentes de absolutione Sacramentali à peccatis, dicunt eam esse validam, si Confessarius, *Absolvo te*, tantum dicat, modo intentionem habeat absolvendi pœnitentem à peccatis.

LICET autem supra dixerim, Confessarium priusquam concedat infirmo indulgentiam, debere eum absolvere à peccatis, modo præcesserit confessio, vel signum aliquod in ordine ad confessionem, nihilominus potest simul, & eisdem verbis, eum absolvere à peccatis & pœnis dicendo: *Auctoritate Domini nostri IESV Christi &c. Absolvo te ab omnibus peccatis tuis*, habendo intentionem eum absolvendi, & à culpis, & à pœnis: istud enim verbum *Absolvo*, indifferens est ad significantiam remissionem, cum culpa, tum pœna; quare potest Confessarius illud proferre cum intentione absolvendi ab utraque, & nomen illud peccatum sumi potest, tum pro culpa, tum pro pœna: imo etiamsi diceret tantum, *Absolvo te*, non exprimendo à peccatis, cum intentione tamen absolvendi à culpa, & à pœna, ab utraque absolveret. Addo quod verbum *Absolvo te*, cum intentione absolvendi infirmum à censuris, à culpis, & à pœnis, ab omnibus simul absolveret.

Quoad hanc clausulā, si hac vice moriaris &c. quam addit Stratus in herendo priori sententiæ, *Capite proximo allatæ*, advertendum est, quod etiamsi Confessarius illam verbis non exprimeret, si nihilominus haberet intentionem reservandi indulgentiam pro vero mortis articulo valeret reservatio; quare infirmus, si convalesceret, indulgentiam sic ut reservatam pro vero articulo non lucraretur, quare dato casu, quod Confessarius infirmum in articulo mortis constitutum absolveret per hæc verba, *Absolvo te*, cum intentione eum absolvendam & obser-

Fff 2

306.

307.

Quænam
circa illam
clausulam
si hac vice
&c. ani-
madver-
tenda sint
& obser-
vanda?

vendi à censuris, & à culpis, & à pœnis : à censuris quidem & à culpis
absolutè, à pœnis autem sub conditione, si moriatur &c. infirmus
statim absolutio[n]em & à censuris, & à culpis obtineret, non autem
pœnis, si convalesceret ; quia absolutio à pœnis illi esset reservata
pro vero mortis articulo.

308.

V E R U M hæc dicta sint juxta P. Stratij sententiam ; sequendo
vero posteriorem , probabilioremque sententiam hac clausula ac re-
servatione opus minimè erit, cum , ut supra vidimus , roties quoties
articulus mortis occurrerit, denuo cum effectu absolutio & indulgen-
tia plenaria concedi queat.

Utrum ab-
senti hæc
possit con-
ferri indul-
gentia ?

Quæret hic aliquis, An hæc indulgentia absenti conferri valeat?
Ad hoc respondet Antonius Cotonius lib. 2. de Sacram. Controv. II. C. 1.
num. 79. posse applicari in absentia per literas , aut internuntium ,
quia applicatio hæc per se sumpta , non est absolutio Sacramentalis ,
sed potius assimilatur absolutio[n]i censurarum , ut ait Diana Part. 5.
Tract. 3. resol. 134. & Tract. 12. resol. 46. ex Trullench in Cruciat.
Lib. 1. §. 7. Cap. 2. dub. 19. nu. 7. subjungit autem in fine jam dictæ resol.
46. Diana hæc : [Notandum est tamen hic obiter unum notabile, quod
nescio, an alibi à me adnotatum sit; nempe quod aliquando hæc indul-
gentia in articulo mortis, in casu licet raro, videtur posse applicari ab-
senti: videlicet, si Parochus, postquam Unctionem extremam contulit
pœnitenti ægrotanti, oblitus est hujus applicationem, & infirmus jam
jam moritur, nec potest Parochus eum adire, poterit è domo sua in-
firmo tali absenti applicare indulgentiam , quia si hæc potest extra
confessionem applicari infirmo, qui nullum signum dederit contri-
tionis, nec hujus applicatio dependet ab absolutione Sacramentali ; &
ex alio capite hic est capax indulgentiæ, eo quod supponimus esse in
statu gratiæ constitutum, quid mirum si in hoc casu possit applica-
ri in absentia, sicut etiam absens à censuris absolvi : præsertim cum
nulla scientia, nec formalis petitio requiratur ex parte ejus, cui hæc
est indulgentia applicanda : ergo &c. Et ita hanc sententiam docet
Trullench, ubi supra .] Et licet Diana loquatur de indulgentia Bullæ
Cruciatæ in hac resolutione, tamen quoad præsentem difficultatem i-
dem omnino afferendum est de nostrorum Confratrum moribun-
dorum indulgentia, quod de Bullæ Cruciatæ quoad morientes.

CAPUT